

玉樞寶懺

水讚

先天真水 淨洗靈台 楊枝一滴洒塵埃
凡境即蓬萊 滌穢消災 香林法界開

太上皈命禮蕩魔解穢大天尊（三稱）

香讚

爐煙起篆 道氣騰祥 誠心一炷噴天香
繚繞透穹蒼 周遍十方 諸神現金光

太上皈命禮香雲浮蓋大天尊（三稱）

淨心神咒

太上台星 應變無停 驅邪縛魅 保命護身
智慧明淨 心神安寧 三魂永久 魄無喪傾

淨口神咒

丹朱口神 吐穢除氛 舌神正倫 通命養神
羅千齒神 卻邪衛真 喉神虎賁 氣神引津
心神丹元 令我通真 思神鍊液 道炁長存

淨身神咒

靈寶天尊 安慰身形 弟子魂魄 五臟玄冥
青龍白虎 隊仗紛紜 朱雀玄武 侍衛我身

安土地神咒

元始安鎮 普告萬靈 嶽瀆真官 土地祇靈
左社右稷 不得妄驚 回向正道 內外澄清
各安方位 備守宮庭 太上有命 搜捕邪精
護法神王 保衛誦經 皈依大道 元亨利貞

淨天地神咒

天地自然 穢氣分散 洞中玄虛 晃朗太元
八方威神 使我自然 靈寶符命 普告九天
乾羅答那 洞罡太玄 斬妖縛邪 殺鬼萬千
中山神咒 元始玉文 持誦一遍 卻鬼延年
按行五嶽 八海知聞 魔王束手 侍衛我軒

凶穢消散 道炁長存

祝香神咒

道由心學 心假香傳 香爇玉爐 心存帝前
真靈下盼 仙旆臨軒 令生關告 逕達九天

金光神咒

天地玄宗 萬炁本根 廣修萬劫 證帝神通
三界內外 惟道獨尊 體有金光 覆映帝身
視之不見 聽之不聞 包羅天地 養育群生
誦持萬遍 身有光明 三界侍衛 五帝伺迎
萬神朝禮 役使雷霆 鬼妖喪膽 精怪亡形

內有霹靂 雷神隱名 洞慧交徹 五炁騰騰
金光速現 覆護真人 急急如

玉皇光降律令敕

九天應元雷聲普化天尊玉樞寶懺

法事如儀。具職臣某。誠惶誠恐。稽首頓
首。再拜奏啟。

三清上帝。十極高真。高上神霄。八辰上帝。
。九天應元雷聲普化天尊。九天應元府。
卿師使相一切聖真。玉霄內院。中司東西
華臺。玄館妙閣。四府六院。分曹列局。

贊化掌事。一切聖真神仙。九天雷門使者。
。糾錄典者。廉訪典者。掠剩司大夫主者。
。報應司大夫主者。幽枉司大夫主者。雷
師皓翁真君。莫賺判官典者。雷部官眾。
三界真靈。恭望洪慈。洞洞回昭鑑。臣聞
。赤書玉字。昔元始開碧落以度人。鳳篆
龍章。我祖師由神霄而闡化。恭維

九天貞明之大聖。玉清真王之化身。分形十
方。運心三界。拯眾生之苦惱。挈下土之
沉淪。三十六天。天天歸主宰之權。千五

百劫。劫劫運慈悲之化。苟致寸忱而稱念。
。悉令萬願以從心。重念某等。億劫塵勞。
。多生業垢。貪嗔癡愛。萌於立身行己之
間。殺盜邪窳。形於舉心動念之際。身三
口四。人百已千。有漏幻軀。無邊眾障。
是非海闊。人我山高。非仗懺揚。曷叨恩
宥。恭維。

九天應元雷聲普化天尊。為群生父。為萬靈
師。矜念迷途。鑒觀歸嚮。不忘大羅之誓
願。特允小兆之讚揚。遙駐浮空。曲垂省
錄。臣干冒天威。下情無任激切俟恩之至
。虔運一誠。志心朝禮。

金容玉相天尊

志心皈命禮

玉清聖境。清微天宮。鬱羅蕭臺之中。森羅
淨靄之上。現有為之梵相。具無極之神通
。敷演真玄。破無有色空之礙。拯提趣類
。絕智愚高下之分。妙用難窺。靈機罔測
。大悲大願。大聖大慈。

無量度人元始大天尊

志心皈依禮

上清真境。禹餘天宮。紫微瓊臺之中。玄都玉京之上。接元始虛皇之統系。超西那玉國之根苗。入黍米珠。盡挹真玄之精粹。在香林苑。屢談秘要之筌蹄。妙德難思。神通莫議。大悲大願。大聖大慈。

無量度人靈寶大天尊

志心皈依禮

太清仙境。大赤天宮。巍巍金闕之高。渺渺重霄之上。降生於無量數劫。說法於萬二

千天。五千秘言。融三才之妙道。八十餘度。接六趣之眾生。聖德崇高。玄功廣博。大悲大願。大聖大慈。

無量度人降生大天尊

皈依禮

志心皈依

十方道寶 當願眾生 起心迴向 一切信禮

志心皈依

十方經寶 當願眾生 心開悟解 受持念誦

志心皈依

十方師寶 當願眾生 普上法橋 無有障礙
道場眾等。人各運心。禮懺如法。

爾時

九天應元雷聲普化天尊。在玉清天中。與十方諸天帝君。集於玉梵。七寶層臺。時有雷師皓翁。越班上白。請宣道要。於是天尊。坐九鳳丹霞之展。手舉金光明之如意。為說玉樞寶經。已時。

天尊言。若未來世。有諸眾生。得聞吾名。但冥心默想。作是念言。

九天應元雷聲普化天尊。或一聲。或五七聲。或千百聲。吾即化形十方。運心三界。使稱名者。咸得如意。十方三界。諸天諸地。日月星辰。山河草木。飛走蠢動。若有知。若無知。天龍鬼神。聞諸眾生。一稱吾名。如有不順者。馘首剗心。化為微塵。以今。弟子某等。曠劫受恩。累生蒙化。恨以愚迷之性。積成深重之愆。敢不懺陳。以干原赦。爰遵教典。力致悔思。祈滅罪以消愆。冀禳災而集福。隨心應念。

。證聖成真。仰維天尊大慈。天尊大聖。為群生父。為萬靈師。府賜恩光。鑒今懺悔。庶令所禱。克遂感通。臣等虔誠。志心朝禮。

志心皈命禮

九天應元府。無上玉清王。化形而滿十方。談道而跌九鳳。三十六天之上。閱寶笈。考瓊書。千五百劫之先。位上真。權大化。手舉金光如意。宣說玉樞寶經。不順化作微塵。發號疾如風火。以清淨心。而弘大願。以智慧力。而伏諸魔。總司五雷。運心三界。群生父。萬靈師。大聖大慈。至皇至道。

九天應元雷聲普化天尊（三稱）

臣法眾等。志心皈身皈神皈命。神霄投誠玉府。重念弟子某等。凡胎濁質。走肉行屍。歷劫迨今。罪如山海。心三惡業。貪嗔愚癡。身三惡業。殺盜邪竈。口四惡業。綺語妄言。兩舌惡罵。或起念動心。恣行不善。搪突天地。穢褻日月。毀呵風雨。

。裸觸星辰。背負君師。逆辰父母。欺心朋舊。傲睨親鄰。殺害孳生。拋擲米穀。大秤小斗。欺罔聖賢。酷法殘刑。傷戕禽畜。私淫暗盜。逞毒助兇。貪諸所榮。欺諸所弱。天嗔地怒。鬼妬神憎。從今懺謝。永誓皈依。恭願普運慈悲。曲垂原赦。綏之庇覆。錫以生全。臣等志心。稽首禮謝

無上至真三寶

志心皈命禮

九天應元雷聲普化天尊

臣法眾等。志心皈身皈神皈命。神霄投誠玉府。重念弟子某等。凡胎濁質。走肉行屍。歷劫迨今。罪如山海。或慮五行奇蹇。九曜嶽崎。年逢刑衝。運值剋戰。行藏坎壞。動用兇危。或沉疴伏枕。痼疾壓身。或盟詛咒誓之所招。或債塚負償之所致。三世結讐。異劫興仇。或自己興修。他人改卜。有犯九壘土皇。身黃命煞。官符赤口。劍鋒飛廉。二十四位。千二百神。

動致口牙。易生獄訟。從今懺謝。永誓皈依。恭願普運慈悲。曲垂原赦。綏之庇覆。錫以生全。臣等志心。稽首禮謝。

無上至真三寶

志心皈命禮

九天應元雷聲普化天尊

臣法眾等。志心皈身皈神皈命。神霄投誠玉府。重念弟子某等。凡胎濁質。走肉行屍。歷劫迨今。罪如山海。或慮天妖地魑。山精石怪。五行妖祟。三界魔兇。及廟

社傷亡。兔雉執對。烏鼠送妖。蛇蟲嫁孽。拋磚擲瓦。送影傳聲。或瘟癘傳染。蠱瘵纏綿。故氣伏屍。塚訟墓注。或婚姻不順。嗣息難招。水陸經從。劫數難追。或戈殺戮。水火漂焚。盜賊侵凌。饑荒流蕩。從今懺謝。永誓皈依。恭願普運慈悲。曲垂原赦。綏之庇覆。錫以生全。臣等志心。稽首禮謝。

無上至真三寶

志心皈命禮

九天應元雷聲普化天尊

臣法眾等。志心皈身皈神皈命。神霄投誠玉府。重念弟子某等。凡胎濁質。走肉行屍。歷劫迨今。罪如山海。罪福壽夭。寵辱榮枯。財祿利名。是非人我。或希仙學道。或利物濟民。各有所求。咸令至遂。毋使願違。切慮悞犯。故為千愆萬過。日深月遠。曾未披陳。或損害有情。侵傷物類。或迷真背道。犯戒違科。既附穎於生死之書。實慄舒於簡閱之筆。從今懺謝。

永誓皈依。恭願普運慈悲。曲垂原赦。綏之庇覆。錫以生全。臣等志心。稽首禮謝無上至真三寶

志心皈命禮

南極長生大帝。統天下元聖天尊。

東極青華大帝。太乙救苦天尊。

九天可韓丈人。朱陵度命天尊。

九天雷祖大帝。除災濟物天尊。

碧玉宮太一天帝。保制劫運天尊。

六天洞淵大帝。伏魔上上太一天尊。

六波天主帝君。普施法潤天尊。
九天採訪使真君。應元保運妙化天尊。
神霄玉府判府天尊。玉府侍中僕身。
上相右卿。五雷使院真君。
雷師皓翁天君。雷伯青帝天君。
玉樞舍人。官曹仙眾。
九天應元府。卿師使相。一切仙真。
九天雷公將軍。五方雷公將軍。
八方雲雷將軍。五方蠻雷使者。
雷部總兵使者。糾錄廉訪典者。

掠剩司積速大夫。報應司大夫。

幽枉司大夫。莫賺判官。雷部官眾。

雷部真仙。諸司官屬。臣禮足各長跪。皈命
懺悔。臣法眾等。志心皈身皈神皈命。神
霄投誠玉府。仰維。

九宸御極。諸司贊元化之尊。三界浮游。列
部佐貞明之聖。是為雷霆之樞要。乃持人
物之權衡。重念某等。凡茲下愚。寄于浮
世。或貪嗔癡之未斷。或心口意之相違。
任性所為。不知慚愧。或見聞而自忤。或

想念以教他。種種罪根。一一懺悔。恭願
九天洞鑒。列聖垂慈。元綱流汗漫之恩。法
雨沛汪洋之澤。罪無大小。咸乞蕩除。冀
三業以蠲消。俾六根而清淨。福資萬有。
恩被十方。臣等志心。稽首禮謝

無上至真三寶

無上玉清王偈

聞經已後 當願眾生 深入法門 皈依信禮
聞經已後 當願眾生 萬罪蕩除 善芽增長
聞經已後 當願眾生 永斷執迷 常歸正道

臣聞道包天地。人稟陰陽。生成仰賴於慈
悲。過咎許容於省悞。臣等。向來朝禮
天尊。稱揚聖號。一念祈天而請命。五體投
地以皈依。恭望

天尊大聖。天尊大慈。赦千生萬劫之愆。賜
五雷天一之炁。臣等隨心所祝。應念而成
。所求者遂。所感者通。所欲者從。所禳
者卻。世此他生。常遇正因。有識無情。
同登道岸。稽首皈依。無極大道

九天應元雷聲普化天尊

迴向讚

玉清真王 眾生懺悔 惶恐仰賴求赦罪

慈聖願鑑納 四恩三宥 賜福消災障

太上皈命禮九天普化大天尊（三稱）